

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na 30. sjednici Predstavničkog doma, održanoj 4. juna 2008. godine, i na 18. sjednici Doma naroda, održanoj 17. juna 2008. godine, usvojila je

ZAKON

O IZMJENAMA I DOPUNAMA ZAKONA O POLAGANJU PRAVOSUDNOG ISPITA U BOSNI I HERCEGOVINI

Član 1.

U Zakonu o polaganju pravosudnog ispita u Bosni i Hercegovini ("Službeni glasnik BiH", broj 33/04) član 2. mijenja se i glasi:

"Član 2.

Ispit mogu polagati lica koja su kao diplomirani pravnici najmanje dvije godine radila na poslovima pravne struke.

Pod uslovima iz stava 1. ovog člana ispit mogu polagati i pripravnici i volonteri."

Član 2.

Član 24. mijenja se i glasi:

"Član 24.

Diplomirani pravnik, koji je najmanje četiri godine obavljao dužnost redovnog ili vanrednog profesora na pravnom fakultetu, izjednačen je u pravima s diplomiranim pravnikom koji je položio pravosudni ispit.

Na zahtjev lica iz stava 1. ovog člana ministar pravde će rješenjem utvrditi postojanje prava koja proističu iz ove odredbe."

Član 3.

U članu 25. stav 2. mijenja se i glasi:

"O priznavanju pravosudnog ispita položenog prema propisima drugih zemalja odlučuje Ministarstvo pravde BiH, u postupku propisanom pravilnikom koji donosi ministar pravde."

Član 4.

Ovaj zakon stupa na snagu osmog dana od dana objavljivanja u "Službenom glasniku BiH".

PSBiH, broj 201/08
17. juna 2008. godine
Sarajevo
